

四庫全書

史部

欽定四庫全書

欽定續通志卷五百七

外戚傳

元

臣等謹按元史無外戚傳后妃表僅載其氏多不詳所自出無可徵信今考列傳中如托音色辰從太祖有功約以世世生男尚公主生女為皇后故一代元后馮吉哩氏為多他如台哈布哈布圖縹

勒噶和琳等皆椒房懿戚傳有明文至布頁赫雖非后族然子孫世尚公主抑亦帝室姻婭當以類附今彙集為一卷移附類傳以符鄭志體例云

托音色長

布圖

纒勒噶和琳

布頁赫

奇爾濟蘇

台哈布哈

托音色長姓布斯格爾鴻吉哩氏世居朔漠本名托音從太祖起兵有功賜名托音色長女布爾特格勒津太祖光獻翼聖皇后

按元秘史太祖九歲時烈祖挈之同往其舅氏處求婚遂過托音色長托

音色長以夢得吉兆遂請妻以女烈祖以從馬為聘子
比歸而烈祖卒於遠越九年太祖尋至其家成禮焉

阿禪從太祖征伐凡三十二戰皆有功賜號國舅阿禪

諾延封河西王

按孟珙蒙古備錄元初功臣以穆呼
哩為首次則阿禪封尚書令傳失載

有

旨鴻吉哩氏生女世以為后生男世尚公主又賜所俘
獲軍民仍授萬戶以領之阿禪卒追封濟寧王諡忠武

公主表稱阿禪
為魯忠武王

子旺沁授萬戶尚睿宗女伊蘇布哈公

主旺沁卒弟納沁尚太祖孫女色徹肯公主

史傳失載
今據公主

表增襲萬戶奉旨伐宋攻釣魚山從世祖南涉淮甸又率

兵平山東濟充單等州中統二年與諸王北伐以其子
噶海托歡額埒春等十人自從與額呼布格之黨伯爾
克巴爾斯等戰追北至伯爾克圖復戰自旦及夕斬首
萬級及卒子額埒春襲萬戶尚鄂勒哲公主公主薨繼
尚囊嘉特章公主至元十四年卒無子弟特穆爾襲萬
戶二十四年納顏叛從帝親征以功封濟寧郡王二十
五年諸王哈坦多羅干叛與諸王率兵討之殲其衆帝
賜名阿齊圖諾延以旌其功尋卒子二人長曰多阿克

巴拉次曰僧格巴拉皆幼以其弟曼濟台襲萬戶亦尚

囊嘉特章公主成宗即位封為濟寧王

諸王表曼濟台由濟寧王進封

魯王奉旨率本部兵討叛王海都都勒幹行伍未定單騎

突入陣中敵兵驚擾遂大捷有旨令總蒙古軍民官輔

武宗以鎮北方囊嘉特章公主薨繼尚裕宗女納木喀

巴勒公主曼濟台卒大德十一年阿齊圖諾延長子多

阿克巴拉襲萬戶尚僧格喇實公主六月封大長公主

多阿克巴拉加封魯王

按諸王表作襲封魯王此稱加封魯王互異

至大三

年卒嫡子阿哩雅實哩甫八歲襲萬戶四年襲封魯王
尚多爾濟巴勒公主元統元年卒僧格巴勒者阿哩雅

實哩之叔也自幼奉世祖旨養于鄂克沁公主所是為

布扎爾駙馬後襲統其本部民四百戶成宗時尚博諾

公主至順間封鄂安王元統二年加封魯王

緒王表作
元統元年

襲封
魯王

卒此皆以駙馬襲封王爵者也蘇爾呼圖克者亦

阿禪之子以從征功在太祖朝授左丞相為千戶其

子曰阿哈駙馬當憲宗朝嘗率兵破徐州以功襲父官

有托里者亦阿禪裔孫也世祖授本藩千戶令守朔土
之吉魯爾二十四年從族父阿齊圖諾延征叛王納顏
有功賜號巴圖爾托里孫滿濟勒噶尚博迪蘇公主卒
弟博囉特穆爾嗣封懿德王有綽哈者阿禪次子伯克
之裔孫尚托歡巴圖公主仁宗朝封安遠王以兵守莽
賚有達爾罕者亦托音色辰裔孫也以從軍功世祖亦
賜以巴圖爾之號其子曰布扎爾從征納顏禽其黨金
嘉努後有博碩者即其孫也又阿禪之孫納罕尚太宗

蘇呼肯公主和和之孫布扎爾尚鄂克沁公主又托音
色長諸孫有名托羅該者尚布爾罕公主繼尚庫庫楞
公主此皆尚公主為駙馬者也凡其女之為后者自光
獻翼聖皇后以降憲宗貞節皇后諱呼圖克台及后妹
約索爾皆阿禪從孫孟克沁之女世祖昭睿順聖皇后
諱徹伯爾阿禪之女其諱特古掄者阿禪孫托里之女
諱諾爾布冊繼守正宮者納沁孫僂童之女成宗貞慈
靜懿皇后諱實哩達喇額埒春之女順宗昭獻元聖皇

后諱塔濟武宗仁宗尊為皇太后延祐七年又加尊號
太皇太后則阿禪孫呼圖克特穆爾之女武宗宣慈惠
聖皇后諱珍格托里子班巴爾之女其諱蘇喀實哩者

阿禪從孫哈爾吉之女泰定皇后諱巴拜哈斯阿禪孫

鄂蘭徹爾之女

按后妃表稱巴拜哈斯后為堯王滿濟
勒噶之女考后妃傳與此相符當是表

誤其諱巴罕諱蘇喀達喇者皆托里孫滿濟勒噶之女

文宗皇后諱布達實哩魯王多阿克巴拉之女此則鴻
吉哩氏之為后者也初鴻吉哩氏族居於庫呀勒温都

爾肯德呼穆爾額爾古納河之地太祖分賜阿禪及其弟和策等農土

原注農土猶言經界也

使各居之至至元七年

額埒春萬戶及其妃囊嘉特章公主請就所受達哩海子本藩駐夏之地建城邑以居帝從之遂名其城為應昌府二十二年改為應昌路元貞元年曼濟台復與公主請於帝以應昌路東七百里駐冬之地敕建城邑復從之大德元年名其城為全寧路鴻吉哩之分邑得任其陪臣為達嚕噶齊者有濟寧路及濟兗單三州鉅野

鄆城金鄉虞城碭山豐縣肥城任城魚臺沛縣單父嘉
祥磁陽寧陽曲阜泗水十六縣此丙申歲之所賜也又
汀州路長汀寧化清流武平上杭連城六縣此至元十
三年所賜也又永平路溧州盧龍遼安撫寧昌黎石城
樂亭六縣此至大元年所賜也又平江稻田一千五百
頃則至大二年所賜也其應昌全寧等路則自達嚕噶
齊總管以下諸官屬皆得專任其陪臣而王人不與焉
此外復有王傅府自王傅六人而下其羣屬有錢糧人

匠鷹房軍民軍站營田稻田煙粉千戶總管提舉等官以署計者四十餘以員計者七百餘其五戶絲金鈔之數則丙申歲所賜濟寧路之三萬戶至元十八年所賜汀州路之四萬戶絲以斤計者歲二千二百有奇鈔以錠計者歲一千六百有奇此則所謂歲賜者也

布圖伊奇喇斯氏善騎射太祖嘗潛遣珠魯卜齊岱出使至額爾古納河布圖知其為帝所遣值日暮因留止宿殺羊以享之復假以良馬及還有加禮珠魯卜齊岱

具以白帝帝大喜妻以皇妹特穆爾既而察察爾岱屐
楚琿托音等以兵三萬入寇布圖遣博囉岱摩哩托克
托來告乃與哈喇扎拉溫都爾哈納等討托音等掠其
輜重降其民奈曼叛帝名布圖以兵至大敗之皇妹薨

復妻以皇女噶沁必濟

按蒙古備錄太祖有女七人今考公主表止有三人噶沁必濟

其一也而命哈喇巴圖之子伊克呼喇圖為之侍哈喇巴

圖曰吾兒豈能為人臣僕寧死不為也帝令布圖與之
敵戰於安圖河刺殺伊克呼喇圖哈喇巴圖走渡卓沁

河擒之盡殺其衆從太師國王穆呼哩略地遼東西以

功封冠懿二州

按元祕史太祖戊寅歲布圖以二千騎從征金傳未敘及從征西夏

病卒進封昌王

按諸王表和琳駙馬始封昌王今傳稱布圖始受封而其子纒勒噶孫扎古喇

必魯孫和琳以次
遞襲彼此互異

謚忠武子纒勒噶襲爵

纒勒噶娶皇子庫春女安圖公主生女是為憲宗皇后

按本記及后妃表憲宗四后不載有
伊奇喇斯代或當是未經冊立者 初事太宗與穆呼

哩取嘉州遣巴圖爾罕卓沁恰來獻捷帝曰若父宣力

國家今纒勒噶克光前烈召至中都以疾卒子扎古喇

沁從定宗出討萬努有功太宗命親王阿齊白以女伊

遜辰公主妻之襲封昌王卒諡忠靖

公主表作
諡武靖

扎古喇

沁有子二人長伊埒白娶皇子賽音珠卜女哈達罕公
主生圖卜台與納顏戰有功次和琳

和琳尚憲宗女巴雅爾公主後托和特穆爾叛世祖命
和琳與錫里濟等討之帝復令尚憲宗孫女布呼齊公
主宋平封以廣州納顏沙喇哈喇叛世祖親征色徹肯
等與哈喇罕屢戰帝召和琳至值色徹肯等戰于沁和

實衮之地哈喇罕衆甚盛

按原傳上文作哈喇罕此以下俱作哈達罕蓋因前傳哈

達罕公主而誤也今悉改正

和琳以兵二百迎敵敗之哈喇罕等走

度捺河還其巢穴踰年帝命和琳復征之其衆皆遁去
餘百人逃匿山谷和琳即率兵二百徒步追之色徹肯
止之不聽往殺其衆又踰年復往征之與哈喇罕遇于
烏拉河和琳夜率千人潛入其軍盡殺之卒追封昌王
謚忠宣子阿實克事成宗都勒幹叛于海都帝遣晉王
噶瑪拉井武宗帥師討之阿實克射中其膝擒殺甚多

都勒幹號哭而遁封為昌王

按阿實克封昌王表稱在延祐四年此作成宗時封

考成宗本紀亦無明文續通鑑綱目則僅載其射滕事而不言封爵識以闕疑

仁宗朝賜以寧

昌縣稅入阿實克尚成宗女伊埒哈雅公主復尚憲宗

曾孫女滿達勒公主及卒子巴喇實哩襲封昌王

按公主表

巴喇實哩子薩蘭多爾襲封昌王尚伊嚕勒公主本傳失載

和琳從弟布哈尚世祖女

烏爾戩公主其弟索隆噶娶皇子莽噶拉木女鈕掄公主生女是為武宗仁獻章聖皇后實生明宗

布頁赫

按元史舊作阿勒古斯托克塔古哩傳今因其子布頁赫實始尚公主附列外戚故改作布頁

赫傳而仍以其父冠于傳首

翁觀部人系出沙陀鴈門之後世為部

長至其父阿勒古斯托克塔古哩時有西北奈曼國王
迪延汗遣使來約欲相親附以同據朔方部衆有願從
者阿勒古斯托克塔古哩弗從執其使來告太祖遂約
同攻迪延汗阿勒古斯托克塔古哩先期至既平奈曼
從下中原復為嚮道南出界垣按元秘史太祖元年封功臣授阿勒古斯托克
塔古哩為千戶本傳未載太祖使歸鎮本部為其部衆昔之異議者
所殺長子巴延質保併死之其妻阿里哈攜布頁赫與

姪鎮國夜遁因避地雲中太祖購得之賜與甚厚乃追封阿勒古斯托克塔古哩為高唐王阿里哈為妃以布頁赫尚幼先封鎮國為北平王鎮國卒子尼古爾岱襲爵尚睿宗女塔瑪噶公主略地江淮卒于軍

按尼古爾岱諸王表

稱其由北平王進封郡王與此小異

布頁赫幼從攻西域還封北平王尚

阿拉克必濟公主公主明睿有智略車駕征伐四出嘗使留守軍國大政諮稟而後行公主之力居多布頁赫未有子公主為進姬妾以廣嗣續生三子曰準布哈曰

阿爾布哈曰珠爾布哈視之如己子布頁赫卒追封高唐王諡武毅後加封趙王子準布哈尚定宗長女伊埒

默色公主

按公主表準布哈子趙忠烈王囊嘉特台尚琳沁公主囊嘉特台子趙王瑪展尚僧格已

拉公主傳
俱失載

阿爾布哈尚世祖季女伊埒公主中統初總

兵討額呀布格敗扣布哈於阿勒坦和囉海之地三年
圍李壇于濟南獨當一面事平又從征西北敗叛王之
黨色埒默子崆果囉卒子奇爾濟蘇

奇爾濟蘇性勇毅習武事尤篤於儒術經史性理陰陽

術數靡不該貫尚裕宗女呼圖克台默色公主繼尚成
宗女阿裕爾實哩公主宗王額布根叛率精騎千餘追
及之大殺其衆額布根以數騎遁去奇爾濟蘇身中三
矢斷其髮凱還成宗即位封高唐王西北不安請往平
之及行誓曰若不平定西北吾馬首不南大德元年夏
遇敵于巴雅斯之地大敗之擒其將卒百數以獻二年
秋諸王將帥共議防邊咸曰敵往歲不冬出且可休兵
于境奇爾濟蘇獨以為不然嚴兵以待是冬敵果大至

三戰三克竒爾濟蘇乘勝遂北深入險地後騎不繼馬
躡遂為所執敵誘使降正言不屈又欲以女妻之乃殺
然曰我帝婿也非帝后面命而再娶可乎敵不敢逼後
竟以不屈死九年追封高唐忠憲王加封趙王子專幼
詔以弟摩和納襲高唐王摩和納才識英偉謹守成業
境內乂安教養專過於己子至大二年摩和納加封趙
王按公主表稱趙國大長公主阿實克圖嚕適阿爾布
哈子耶忠襲王摩和納諸王表稱至大元年襲封耶
王此云襲高唐王加封趙即以讓專三年專襲趙王尚
王而不言高公主互異

晉王女喇特納巴拉公主一日召王傅托歡司馬阿濟蘇謂曰先王旌殯卜羅荒遠之地吾痛心欲無生若請得歸葬先塋瞑目無憾矣二人言之樞密院以聞帝嗟悼久之曰專孝子也即命阿濟蘇等一十九人乘驛以往至殯所奠告啟視尸體如生遂得歸葬

白哈布哈鴻吉哩氏世為外戚台哈布哈初以世胄入官累遷雲南行省右丞歷通政使上都留守遼陽行省平章政事至正八年太平為丞相力薦可大用召入為

中書平章政事明年太平罷托克托復相台哈布哈因
黨於托克托謀欲害太平衆由是不平之十二年盜起
河南詔拜台哈布哈河南行省平章政事加太尉將兵
討之未期月平南陽汝寧唐隨又下安陸德安等路招
降服叛動合事宜軍聲大振十四年

按本紀至正十四年詔台哈布哈率

師討安豐賊
本傳失載

托克托以太師右丞相總大兵征高郵尋

詔奪其兵柄升台哈布哈本省左丞相與太尉伊徹察
喇樞密知院舒蘇代總其兵山東河北諸軍悉令節制

而台哈布哈頗驕傲不遵朝廷命令軍士又往往剽掠
為民患十五年監察御史伊埒呼圖克等劾其慢功虐
民之罪於是詔奪其職頃之復拜湖廣行省左丞相節
制湖廣荆襄諸軍招捕沔陽湖廣等處水陸賊徒會朝
廷復拜太平為中書左丞相台哈布哈意不能平歎曰
我不負朝廷朝廷負我矣及擊賊賊且退諸將欲乘勝
渡江而台哈布哈反勒兵退後賊犯汴梁守臣請援十
往反始率兵往猶按甲不進時睢毫太康俱臨邊警日

急或諫其進兵台哈布哈大言曰若等毋多言我自
神算也既而縱軍出掠百里之內蕩然無遺繼又渡師

河北聲取曹濮遂駐於彰德衛輝

按本紀至正十七年台哈布哈兵獲大名

路并所屬州縣本傳失載

俄而曹濮之賊奔竄晉冀大同亦相繼不
守朝廷兩遣重臣授以成算而台哈布哈恬不為意是

時其子壽通以同知樞密院事將兵分討山東久無功
嘗以事入奏語言驕慢帝惡之十八年山東賊愈充斥
逼近京畿詔拜台哈布哈中書右丞相總其兵討山東

既渡河即疏請太平至軍中供給糧餉欲因事害之時
參知政事巴延特穆爾張晉等分省山東二人者嘗劾
壽通不進兵台哈布哈至則以其餽運不前斷遣之又
以知樞密院事鄂勒哲特穆爾為右丞日嘗劾其非亦
加以失悞專制之罪擅改其官徵至軍欲害之事聞廷
議喧然而太平以其欲害己也遂諷監察御史茂濟嚕
海等順帝紀作都劾其緩師拒命之罪自於帝前力譖
之於是詔奪其官爵兵柄安置蓋州以知樞密院事烏


史七十等

劾其緩師拒命之罪自於帝前力譖

蘭哈達總其兵台哈布哈聞有詔夜馳詣劉哈喇布哈
求救劉哈喇布哈者台哈布哈故部將也以破賊有功
拜淮南行省平章政事時駐兵保定見台哈布哈來因
張樂大宴舉酒慷慨言曰丞相有大勲勞天子終不害
丞相我當自往見帝言之哈喇布哈即至京首見太平
太平問其來故具以實告太平曰台哈布哈大逆不道
爾敢妄言禍將及爾若能致之來吾以爾見帝功不細
矣哈喇布哈許之還縛台哈布哈父子送京師未至皆

殺之於路

按台哈布哈元史舊像列傳
今以其世為外戚移入類傳



大邑日報

叙定續編志

欽定續通志卷五百七

欽定四庫全書

史部

欽定續通志卷五百八

九

編修_臣謝振定覆勘

總校官原任侍講_臣王燕緒

欽定四庫全書

欽定續通志卷五百八

忠義傳

臣等謹按唐以後忠義大率死事者居多其有義

烈彪炳萬死一生雖未隕身志輕授命者並依史

例登之間有子孫事蹟無可析傳舊史所附亦仍

其例遼史無忠義門茲從列傳採輯金元忠義間

有散在列傳中者今皆表而出之以從其類若其

居官立朝名節暴著與夫出身存亡繫一代終始
死事一節不足以盡之如唐之顏真卿段秀實宗
之文天祥之類則仍依舊史系之列傳焉

唐一

夏侯端

劉感

常達

呂子臧

馬元規

王行敏

盧士獻
李玄通

羅士信

張道源

李育德

李公逸
張善相

敬君弘

呂世衡

李安靜

高廠

安金藏

王同皎 周保

李愷

盧奕

張介然 崔無訖

夏侯端壽州壽春人仕隋為大理司直大業中高祖討賊河東表端為副端還數術密語高祖曰玉牀搖帝坐不安晉得歲真人將興安天下者其在公乎但上性沈忌宜早為計帝感其言義師興端在河東吏捕送長安帝入京師釋之引入卧内與語極歡擢秘書監李密之降端請假節招諭關東乃拜大將軍為河南道招慰使

即傳檄二十餘州遣使順附次譙州會亳汴降於王世
充道塞無所歸麾下二千人糧盡不忍委端去端乃殺
馬宴衆曰我奉王命義無屈公等有妻子徒死無益吾
丐若首持與賊以取富貴衆號泣不忍視端亦泣欲自
刎爭持之乃止行五日餓死十四三遇賊衆潰從者纔
三十餘人通鑑作五十餘人遂東走擷豈豆以食端持節卧起
歎曰平生不知死地乃在此時河南地悉入世充唯杞
州刺史李公逸固守勒兵迎端世充遣人以淮南郡公

尚書少吏部印綬召端解所服衣以贈端曰吾天子使
寧汙賊官耶非持首去不可見即焚書及衣因解節旄
懷之置刃于竿間道走宜陽比到其下僅有在者皆體
髮癭焦無復人狀端入謁自謝無功不及危困狀帝憫
之復拜秘書監出為梓州刺史貞觀元年卒

劉感岐州鳳泉人武德初以驃騎將軍戍涇州為薛仁
果所圍糧盡殺所乘馬啖士而煮骨和木屑自食城垂
陷長平王叔良救之賊乃解與叔良出戰為賊執

按新舊書

叔良傳皆云仁杲揚言食盡違高城人偽降叔良遣感
帥師赴之大戰百里細川感為賊執是叔良未曾出戰
也還圍涇州令感約城中降感給諾至城下大呼曰賊

大饑亡在朝暮秦王數十萬衆且至勉之無苦仁杲怒
執感埋其半土中馳射之至死詈益甚賊平高祖購得
其尸祭以少牢贈瀛川刺史爵平原郡公封戶二千謚
忠莊詔其子嗣封爵賜田宅焉

常達陝州陝人仕隋為鷹擊郎將嘗從高祖征伐命為
統軍拜隴州刺史時薛舉方強達敗其子仁杲于宜祿

川舉遣將佗士政給降達不疑士政伺隙劫之并其衆
歸賊舉指其妻謂達曰識皇后乎答曰彼癯老嫗何所
道舉奴張貴又曰亦識我否達瞋目曰若乃奴耳貴忿
拔刀逐之趙弘安為蔽捍乃免仁杲平帝見達勞曰君
忠節正可求之古人為執士政殺之賜達布帛三百段
終隴西刺史

呂子臧蒲州河東人隋大業末為南陽郡丞高祖入京
師遣馬元規慰輯山南獨子臧堅守元規遣士諷曉子

臧殺之及煬帝已弒帝更使其塔薛君倩齋詔諭子臧
子臧發喪訖然後送款拜鄧州刺史封南陽郡公武德
初朱粲新虜子臧率兵與元規并力將擊之謂元規曰
賊新敗上下惶沮一戰可禽若遷延其衆稍集致死于
我不可當也不納子臧請以所部兵獨進又不許俄而
粲得衆復張元規嬰城子臧扼腕曰謀不見用坐公死
矣賊圍固會霖雨城壞或勸其降子臧曰我天子方伯
且降賊乎乃率麾下赴敵死俄城陷元規亦死元規安

陸人

王行敏并州樂平人隋末歸高祖拜潞州刺史遷屯衛
將軍劉武周入并州寇上黨取長子壺關刺史郭子武
懦不支帝遣行敏馳往既至與子武不叶賊圍急儲侍
空乏會有告子武謀反遂斬之州民陳正謙出粟千石
濟軍由是人自奮賊乃去行敏又敗竇建德兵于武陟
武德四年督兵徇燕趙與劉黑闥戰歷亭破之既而釋
甲不設備為黑闥所掩縛致麾下終不屈賊遂斬之時

死事者又有盧士叡李玄通

士叡客韓城隋亂結納英豪高祖與之舊兵與率數百人上謁汾陰又使兄子諭降劇賊孫華與劉弘基敗隋將桑顯和于飲馬泉擢累右光祿大夫為瀛州刺史黑闥遣輕騎破其郭士叡拒戰衆見親屬繫縲乃潰士叡為賊禽欲使說下城堡不從見殺

玄通藍田人為隋鷹揚郎將高祖入關率所部自歸拜定州總督為黑闥所破愛其才欲以為將不聽因之故

吏有餉飲饋者遂縱飲謂守者曰吾能劔舞可借刀守
士與之曲終仰天太息曰大丈夫撫方面不能保所守
尚何視息耶乃潰腹死帝為流涕擢其子伏護大將軍
羅士信齊州歷城人隋大業時長白山賊王薄左才相
孟讓寇齊郡通守張須陀率兵擊賊士信年十四請自
効須陀疑其不勝甲士信怒被重甲左右韃上馬顧盼
須陀許之擊賊濰水上陣纔列執長矛馳入賊營刺殺
數人取一級擲之承一矛戴而行賊皆貽懼無敢抗須

陀乘之大破賊士信逐北每殺一賊輒剽臬納諸懷暨
還驗以代級須陀歎服遺以所乘馬凡戰須陀先登士
信副以為常煬帝遣使圖其陣法後須陀為李密所殺
士信與裴仁基歸李密署總管俾討王世充身被重傷
見獲世充愛其才厚遇之後得密將邴元真等士信恥
與伍率所部千餘人來降通鑑士信有駿馬世充兄子
世充遣士信冠殺州士信遂降高祖拜陝州道行軍總管因謀世充師
次洛陽攻千金堡堡有惡言詢軍士信怒夜遣百人載

嬰兒啼諫堡下詐言自東都來奔羅總管既而陽悟曰
非也此千金堡耳因散去堡兵開門追掠士信伏入屠
之無遺類賊平授絳州總管封郟國公從秦王擊劉黑
闥沼水上得一城遣士信據守賊悉衆攻方雨雪救軍
不得進城陷黑闥欲用之不屈而死年二十八

舊書作
年二十

通鑑考異云士信始從張須陁擊王薄等時年十四若
死年二十八則在大業四年于時王薄未為盜年二十
則在大業十二年是歲須陁死按通鑑載擊王薄事在
大業九年城陷被執在武德五年則死時二十三歲也
年皆不合今姑從
新書而附識之
王隱悼購其尸以葬謚曰勇初士信

為仁基所禮東都平葬之北邙以報德曰我死當墓其側至是如所志

張道源并州祁人名河以字行年十四居父喪以孝稱嘗與客夜宿客暴死恐主人忽怖卧尸側至曙乃告徒步護送還其家高祖興署大將軍府戶曹參軍使守并州京師平遣撫慰山東下燕趙累封范陽郡公守趙州為竇建德所執會建德寇河南間遣人詣朝請乘虛擣賊心脅即詔諸將率兵引接賊平還拜大理卿時何稠

得罪籍其家屬賜羣臣道源曰禍福何常安可利人之
亡取其子女自奉仁者不為也更資以衣食遣之拜綿

州刺史

舊書尋轉太僕
卿歷相州都督

卒贈工部尚書謚曰節道源雖

官九卿無貲產比亡餘粟二斛族孫楚金有至行與兄
越石皆舉進士州欲獨薦楚金固辭請俱罷都督李勣
歎曰士求才行者也既能讓何嫌皆取乎乃並薦之累
進刑部侍郎儀鳳初彗見東井上䟽陳得失武后時歷
秋官尚書爵南陽侯有清槩然尚文刻當時亦少之為

酷吏所構流死嶺表

李育德趙州人祖諤仕隋通州刺史世富于財家僮百人天下亂私完械甲嬰武陟城自保人多從之遂為長劇賊來掠不能克隋亡與柳燮等歸李審審為王世充所破以郡來降即拜陟州刺史兄厚德被賊執使招育德陽許之得不死賊帥段大師因厚德守以兵陰得其驩乃與州人賈慈行謀逐賊慈行夜登城呼曰唐兵登矣厚德自獄擁羣囚諫而出斬長史衆不敢動大師趨

城走即拜殷州刺史厚德省親留育德以守引兵拔賊
河內堡三十一所世充怒悉銳士攻之城陷猶力戰與
三弟皆歿時死節者又有李公逸張善相公逸與族弟
善行居雍邱以才雄為衆所歸始附王世充策其必敗
乃獻款高祖因其地置杞州即拜總管封陽夏郡公以
善行為刺史世充遣其弟將徐毫兵攻之公逸請援未
報因使善行守身入朝言狀至襄城為賊邏送洛陽世
充曰君越鄭臣唐何哉答曰我于天下惟聞有唐賊怒

斬之善行亦死帝悼惜封其子襄邑縣公善相襄城人
大業末為里長督兵迹盜為衆附賴乃據許州奉李密
密敗挈州以來詔授伊州總管王世充攻之屢困賊遣
使三輩請救未報會糧盡衆餓死善相謂僚屬曰吾為
唐臣當効命君等無庸死斬吾首以下賊可也衆泣不
肯曰與公同死愈于獨生城破被執罵賊見殺高祖歎
曰吾負善相善相不負吾乃封其子襄城郡公

敬君弘絳州絳人累功歷驍騎將軍封黔昌侯以屯營

兵守玄武門隱太子之死左右解散其車騎將軍馮立
與巢王親將謝叔方率兵攻玄武門殊死鬪君弘挺身

出或曰事未可判當按兵待變不從與中郎將呂世衡

呼而進皆戰歿詔贈君弘左屯衛大將軍世衡居驍衛

將軍

新書于本傳下附載馮立謝叔方二人事實按君弘世衡以戰歿入忠義立叔方既歸太宗無緣並

傳今但載其緣起餘並刪

李安靜尚書詹事綱之孫天授中為右衛將軍武氏革

命羣臣皆勸進安靜獨無所請及收繫獄來俊臣問狀

安靜曰以我為唐舊臣殺之可也若詰其狀吾誰欺俊

臣遂誣殺之會昌中錄忠臣後乃贈安靜太子少師

按安

靜傳新書原附于其祖
李綱傳後今改列忠義

高叡京兆萬年人隋尚書左僕射頰孫也舉明經稍遷

通義令有治蹟人刻石載德歷趙州刺史平昌縣子聖

歷初突厥默啜入寇叡嬰城固守攻益急長史唐波若

謀應賊叡覺之力不能制自經不死為所執使降諭諸

縣不肯遂見殺贈冬官尚書謚曰節詔誅波若籍其家

子仲舒通故訓學擢明經為相王府文學王器重之開

元中累官中書舍人

據舊書
增輯

與同僚崔琳為宋璟蘇頲

所禮常語人曰古事問高仲舒時事問崔琳何復疑終
太子右庶子

安金藏京兆常安人在太常工籍睿宗為皇嗣禁人私
謁惟工優給使得進俄有誣皇嗣異謀者武后詔來俊
臣問狀左右畏慘楚欲引服金藏大呼曰公不信我言
請剖心以明皇嗣不反也引佩刀自刺腹中腸出被地

眩而仆武后聞大驚與致禁中命高醫納腸褫桑皮紕
之閨夕而蘇后臨視歎曰吾有子不能自明不如爾之
忠也即詔停獄睿宗乃安神龍初母喪葬南闕口營石
墳地本印燥泉忽湧流廬側李冬有華犬鹿相擾本道
使盧懷慎上其事詔表闕于閭景雲時遷右武衛中郎
將玄宗追思忠節下制褒美擢右驍衛將軍爵代國公
詔鏡其名于秦華二山卒配饗睿宗廟庭大厯中贈兵
部尚書謚曰忠中和中擢其遠孫敬則為太子右諭德

王同皎相州安陽人長安中尚中宗女安定郡主拜典膳郎桓彥範等誅二張遣即東宮迎太子請曰逆豎反道顯肆不軌諸將與南衙執事刻期誅之須臾下到以係衆望太子曰上方不豫得無不可同皎曰將相毀家族以安社稷奈何欲內之鼎鑊乎太子尚猶豫同皎即扶上馬從至玄武門斬關入兵因奏太后誅易之等狀帝復位擢右千牛將軍封琅邪公主進封公主同皎駙馬都尉遷光祿卿神龍二年復與張仲之祖延慶周璟

李俊再祖雍謀須武后靈駕發伏弩射殺武三思會延慶妻乃宋之孫外妹之孫子曇得其寶密語三思再祖雍亦以其謀告三思三思遣俊上急變言同皎欲擁兵闕下廢皇后帝殊不曉大怒斬同皎于都亭驛籍其家同皎且死神色自如仲之延慶皆死憬逾入比干廟自到謂人曰比干古忠臣神而聰明其知我乎可懸吾頭國門見三思之敗也後太子重俊誅三思睿宗立詔復同皎官爵謚曰忠壯誅祖雍俊等先是許州司戶參軍

燕欽融再上書斥韋后擅政且逆節已萌中宗召至廷
撲殺之又博陵人郎岌亦表后及宗楚客亂被誅至是
俱贈諫議大夫備禮改葬賜欽融一子官同皎子繇尚
求穆公主生子潛字弘志幼莊重不喜兒弄以帝外孫
補千牛元和中擢累將作監吏有籍名北軍輒驕隋不
事者悉奏罷之監無公食而息錢舊皆私有至潛取以
具食遂為故事遷左散騎常侍拜涇原節度使至鎮繕
壁壘構高屋侍粟兵利而嚴遂引師自原州踰碣石取

蕃將一人斥烽候築歸化潘原二壘請復城原州度支
沮議故原州復陷穆宗即位封瑯琊郡公更節度荆南
疏吏惡榜之里閭殺尤縱者分射三等課士習之不能
者罷故無冗軍太和初檢校尚書左僕射卒于官贈司

空

新書此下有吳保安傳按忠義傳所載皆死節之士
保安篤友誼與忠君死事者不同今改入獨行傳

李愷并州文水人父希倩神龍初右臺監察御史愷少

秀敏舉明經高第授成安尉

舊書作咸陽尉

屢調長安尉宇文

融括天下田表假監察御史歷遷給事中力于治有任

事稱明簿最下無敢給失李林甫意出為河南少尹天寶初除清河太守舉美政遷廣陵長史民為立祠賽祝以捕賊負徒彭城太守封酒泉縣侯連徙襄陽河東並兼採訪處置使入為京兆尹楊國忠惡之改光祿卿東京留守安祿山反玄宗遣封常清募兵東京愷與留臺御史中丞盧奕河南尹達奚珣繕城壘綏勵士卒將遏賊西鋒擢禮部尚書祿山薄城下常清兵皆白徒戰不勝輒北愷收殘士數百裒斷弦折矢堅守人不堪鬥達

美珣降賊

新書不載達美珣降賊今據通鑑增

愷約奕吾曹荷國重寄雖

力不敵當死官部校皆夜緹去愷坐留守府奕守臺城

陷祿山執愷奕及官屬蔣清害之詔贈司徒謚忠懿河

洛平再贈太尉愷十餘子江涵瀕瀛等同遇害唯源彭

脫源八歲家覆俘為奴轉側民間及史朝義敗故吏贖

出之代宗聞授河南府叅軍遷司農主簿以父死賊手

常悲憤不仕不娶絕酒暈惠林佛寺者愷舊墅也源依

寺居閨戶日一食祠殿其先寢也每過必趨未始踐階

長慶初年八十矣御史中丞李德裕表薦之穆宗下詔
褒其父忠子孝以源守諫議大夫賜緋魚袋河南尹遣
使者持詔書袍笏即賜又賜絹二百匹源頓首受詔即
附表謝辭吐哀慙一無受尋卒敬宗時擢愷孫為河南
兵曹叅軍彭擢明經第天寶中選名臣子可用者自咸
寧丞遷右補闕從天子入蜀後愷五年卒有孫景讓景
莊景溫別傳

盧奕黃門監懷慎少子也與兄奐齊名天寶初為鄆令

積功擢給事中拜御史中丞自懷慎貞及奕三居其官
清節似之時傳其美俄留臺東都兼知武部選安祿山
陷東都吏亡散奕前遣妻子懷印間道走京師自朝服
坐臺被執將殺之即數祿山罪徐碩賊徒曰為人臣者
當識順逆我不蹈失節死何恨臨刑西向再拜罵賊不
絕口肅宗詔贈禮部尚書

按舊書作玄宗聞而憫之贈兵部尚書

謚曰貞

烈子杞別有傳杞子元輔字子望少以清行聞擢進士
補崇文校書郎拜左拾遺歷杭常絳三州刺史課嘗最

召授吏部郎中進累兵部侍郎為華州刺史卒元輔端
靜介正能紹其祖故歷顯劇而人不以祀之惡為累云
張介然猗氏人本名六朗性慎愿長計畫始為河隴支
郡太守王忠嗣皇甫惟明哥舒翰踵領節度並署營田
支度等使入奏稱旨請得列戟故里許之翰薦為少府
監歷衛尉卿祿山反授河南節度採訪使按舊紀以介然為陳留太守河南節度採訪使新紀賊陷陳留執太守郭納張介然死之則是納為太守介然以節度統其事耳
守陳留陳留據水陸居民孳夥久不知戰介然到不三

日賊已渡河旬有六日城陷初有詔購賊首而暴誅慶宗狀祿山入陳留見詔書撫膺大哭殺陳留降者萬人

以暹血流成川斬介然于軍門

按舊書載玄宗贈介然工部尚書

以偽

將李延望為節度使守陳留祿山已拔陳留則鼓而前無敢抗中宿攻滎陽太守崔無諛率衆棄城與官屬皆死賊首以偽將武令珣戍焉無諛京兆長安人本韋后外家始娶蕭至忠女至忠敗被貶久乃為益州司馬善楊國忠引為少府監守滎陽詔贈禮部尚書謚曰毅勇

欽定續通志卷五百八

欽定四庫全書

欽定續通志卷五百九

忠義傳

唐

二

顏杲卿

袁復謙

賈循

張巡

許遠

南霽雲
姚闍

雷萬春

程千里

袁光廷

龐堅

薛原

張興

崔倫

蔡廷玉

符令奇

劉迺

孟華

張伍

周曾

張名振

石演芬

吳淑

高沐

賈直言

辛謙

黃碣

孫揆

顏杲卿字昕琅邪臨沂人與真卿同五世祖以文儒世家父元孫有名垂拱間為濠州刺史杲卿以蔭調遂州司法參軍性剛正蒞事明濟與兄春卿弟暉卿並以書判超等吏部侍郎席豫咨嗟推伏再以最遷范陽戶曹

參軍安祿山聞其名表為營田判官假常山太守祿山反至藁城杲卿力不能支與長史表履謙往迎之祿山

輒賜金紫使與其將李欽湊

舊書杲卿傳欽湊姓蔣實錄仍姓李與新書通鑑同

高邈

按新書無高邈名今據舊書增入為下文遺高邈名兵范陽張本

以兵七千屯土

門杲卿指所賜衣謂履謙曰與公何為著此履謙悟乃與真定令賈深內邱令張通幽定謀圖賊陰結太原尹王承業為應使平盧節度副使賈循取幽州謀泄祿山殺循時真卿在平原遣甥盧逖至常山約起兵斷賊歸

路以緩其西入之謀。杲卿大喜，乃以賊命召欽、湊計事。欽、湊夜還，舍之外，郵使履謙及叅軍馮虔、郡豪翟萬德等數人飲勞，既醉，斬之，並殺其將潘惟慎、賊黨殲、投尸。

溲沱水。先是，祿山遣將高邈召兵范陽，未還。

舊書欽、湊遣高邈往。

幽州未還，按二將既同握重兵，鎮土門，豈得擅遣邈往幽州？今從新書。杲卿使藁城尉崔

石圖之，邈至滿城，虔、萬德皆會，傳舍安石，給以置酒，邈捨馬，虔叱吏縛之，賊將何千年自趙來，虔亦執之，送二賊，杲卿乃遣子泉明及萬德、深、通、幽等傳欽、湊首械兩。

賊送京師張通幽以其兄陷賊泣請同行杲卿許之至太原通幽欲自託於王承業乃教之更其表多自為功

別遣使上之

按承業呂功由張通幽新
舊書俱不載今據通鑑補

厚遣泉明還陰

令壯士翟喬賊於路喬不平告之故乃免玄宗擢承業
大將軍已而事顯乃拜杲卿衛尉卿兼御史中丞履謙
常山太守深司馬即傳檄河北言王師二十萬人土門
遣郭仲邕領百騎為先鋒馳而南曳柴揚塵望者謂大
軍至日中傳數百里賊張獻誠方圍饒陽棄甲走於是

趙鉅鹿廣平河間並斬偽刺史傳首常山而樂安博陵

上谷文安信都魏鄴諸郡皆自固

舊傳十五郡皆為國
家守通鑑凡十七郡

皆歸朝廷其附祿山者范陽盧龍
雲漁陽汲鄆六郡而已均與此異

杲御兄弟兵大振

祿山至陝聞兵興大懼使史思明等率平盧兵渡河攻

常山蔡希德自懷會師不涉旬賊急攻城兵少未及為

守計求救於河東承業兵不出杲御晝夜戰糧竭矢盡

六日而陷

通鑑杲御起兵練八日新舊書史思明傳正
月六日圍常山九日拔之則三日也與此異

與履謙同執賊脅使降加刃少子季明頸上曰降當活

而子也終不答遂並盧逖殺之送杲卿洛陽祿山怒曰
吾擢爾太守何所負而反杲卿瞋目罵曰汝乃營州牧
羊奴耳天子擢汝為三道節度使恩幸無比何所負於
汝而反我世唐臣守忠義恨不斬汝以謝上豈從爾反
耶祿山不勝怒縛之天津橋柱節解以肉噉之詈不絕
賊鉤斷其舌乃含胡而絕年六十五履謙既斷手足嚮
之見者垂泣杲卿宗子近屬皆被害杲卿已擄諸郡復
為賊守通幽譖杲卿於楊國忠故不加贈肅宗在鳳翔

真御表其枉上皇杖殺通幽李光弼郭子儀收常山出
杲御履謙二家親屬數百人於獄厚給遣令行喪乾元
初贈杲卿太子太保諡曰忠節封其妻崔清河郡夫人
逝李明及宗子等皆贈五品官建中中又贈杲卿司徒
初杲卿被殺徇首於衢有張湊者得其髮持謁上皇是
夕見夢帝寤為祭後湊歸髮於其妻妻疑之髮若動云
泉明有孝節喜振人急既為承業所遣未至而常山陷
故客壽陽史思明圍李光弼獲泉明裹以草送幽州間

關得免思明歸國真卿方為蒲州刺史令泉明到河北
求宗屬得已女及姑女悉錢三萬贖姑女再還取贖已
女復失履謙及父故將妻子奴隸尚三百餘人轉徙不
自存泉明悉力贍給扶挾渡河託真卿真卿隨所歸資
送之殯父與履謙分柩護送長安履謙妻發視斂具與
柔卿等乃號踊待泉明如父肅宗拜泉明郾令政化清
明誅宿盜人情翕然成都尹舉其課第一遷彭州司馬
家貧居官廉而孤藐相從百口飭糲不給無愠歎居母

喪毀骨立其行誼當時以為難春卿倜儻美姿儀通當世務十六歲舉明經拔萃高第調屏浦主簿嘗送徒千人於州亡其籍口計物色無所差長史陸象先嘗異之轉蜀尉被譖繫獄為椽欄賦自託長史蘇頲遽出之魏徵遠孫贍罪抵死春卿為請五真公主得不死時人高上其節終偃師丞沈盈者亦杲御甥有行義明黃老學解褐博野尉與杲御同死難贈大理正官其二子遙遠賈循京兆華原人先家常山父會有高節不答辟署里

中號一龍親亡負土成墓廬其左右蒔松柏時號關中
曾子卒縣人私謚廣孝徵君循有大略蘇頲在益州謂
循今頗牧表署列將敗吐蕃於西山三遷靜塞軍營田
使張守珪北伐次灤河循揣廣狹為橋以濟還以功擢
游擊將軍榆關守捉使地南負海北屬長城林琅岑翳
寇所蔽伏循調士斬木開道賊遁去遷安東副大都護
安祿山兼平盧節度表為副遷博陵太守祿山欲擊奚
契丹復奏循光祿卿兼副使知留後九姓叛祿山兼節

度河東循亦兼鴈門副之祿山反使循守幽州故杲卿
招之以傾賊巢穴循許可為向潤客等發其謀賊縊之
建中二年贈太尉謚曰忠從子隱林為永平兵馬使朱
泚之難率衆扈行在德宗見隱林偉其貌問知家世引
至臥內以手板畫地陳攻守計即奏曰臣嘗夢日墜以
首承之帝曰非朕耶因令糾察行在遷檢校右散騎常
侍封武威郡王賊圍急隱林與侯仲莊冒矢石死戰已
而解從臣稱慶隱林流涕前曰階下資性急不能容掩

若不悛賊雖亡憂未艾也帝不以為忤拜神策統軍卒
帝思其質直贈尚書左僕射以實戶三百封其家

張巡鄆州南陽人

舊書作蒲州河東人

博通羣書曉戰陣法氣志

高邁畧細節所交必大人長者不與庸俗合時人叵知
也開元末擢進士第與兄晁皆以名稱重一時由太子
通事舍人出為清河令治蹟最秩滿還都不肯見楊國
忠更調真源令土多豪猾誅大吏華南金赦餘黨莫不
改行政簡約民甚宜之安祿山反賊首張通晤陷宋曹

等州譙郡太守楊萬石降賊逼巡為長史使西迎賊軍
巡率吏民哭立元皇帝祠遂起兵討賊從者千餘初靈
昌太守嗣吳王祗受詔合河南兵拒祿山有單父尉賈
賁者閬州刺史璿之子率吏稱吳王兵擊宋州通晤走
襄邑為頓邱令盧諶所殺賁引軍至雍邱巡與之合有
衆二千是時雍邱令令狐潮舉縣附賊遂自將東敗淮

陽兵取其衆反接在廷將殺之會往見李庭望

舊書會
賊來湖

邊出關按湖既以城降豈更出關新書作暫出行部通
鑑云往見李庭望庭望賊將也於當日事情為近今據

改淮陽囚吏解縛起殺守者近賁等入潮不得歸巡乃
屠其妻子磔城上祇聞承制拜賁監察御史潮還攻雍
丘賁趨門為衆躡死巡馳騎決戰身被創不顧士乃奉
巡主軍間道表諸朝騰戕祇府祇乃舉充以東委巡經
略潮以賊衆四萬薄城人大恐巡出不意分十人乘城
以數隊出身前驅直薄潮軍軍却明日賊攻城設百樓
巡柵城上束芻灌膏以焚之賊不敢向巡伺隙出擊積
六旬大小數百戰潮遂敗走以素善巡至城下情語巡

曰天下事去矣足下以羸兵守危堞欲誰為乎巡曰足下平生以忠義自許今日之舉忠義何在潮赧然去時王命不通有大將六人皆官開府特進白巡以勢不敵不如降巡陽許諾明日堂上設天子畫像率軍士朝人盡泣巡引六將至責以大誼斬之士心益勸會糧乏潮餉賊鹽米數百艘且至巡夜壁城南潮悉軍來拒巡遣勇士銜枚潰河取鹽米千斛焚其餘而還城中矢盡縛藁為人千餘被黑衣縋城下潮兵爭射之還得箭

數十萬其後復夜緘人賊笑不設備乃以死士五百斫潮營軍大亂焚壘幕追奔十餘里賊慙益兵圍之薪水竭巡給潮欲引衆走請退軍二舍潮許之遂空城四出三十里撤屋發木而還潮圍復合巡又給曰歸馬三十匹我得馬且出奔請君取城以藉口潮歸馬巡悉以給驍將約曰賊至人取一將明日潮來責答曰吾欲去將士不從奈何潮怒欲戰陣未成三十騎突出禽將十四斬百餘級收器械牛馬潮遁還陳留不復出七月潮率

賊將瞿伯玉攻城遣偽使者四人傳賊命招巡巡斬以
絢餘繫送祗所圍凡四月賊常數萬而巡衆纔千餘每
戰輒克於是河東節度使嗣虢王巨屯彭城假巡先鋒
俄而魯東平陷賊濟陰太守高承義舉郡叛巨引兵東
走臨淮賊將楊朝宗謀趨寧陵絕巡餉路巡外失巨依
拔衆保寧陵馬裁三百兵三千至睢陽與太守許遠城
父令姚闈等合乃遣將雷萬春南霽雲等領兵戰寧陵
北按通鑑至德元載冬十二月揚朝宗將襲寧陵遠遂
拔雍邱東守寧陵以待之始與睢陽太守許遠相見

是日巡遠與賊戰寧陵城北大破之至德二載春正月
丙寅許遠告急於張巡巡自寧陵引兵入睢陽與遠兵
合據此則入睢陽在寧陵戰後新書於
寧陵戰前即言至睢陽與通鑑不合 斬賊將二十殺

萬餘人投尸於汴水為不流朝宗夜去詔拜巡主客郎
中副河南節度使巡籍將士有功者請於巨巨纔投折
衝果毅巡諫曰宗社尚危圍陵孤外詎可吝賞與賢巨
不聽至德二載祿山死慶緒遣其下尸子琦將同羅突
厥奚勁兵與朝宗合凡十餘萬攻睢陽巡勵士固守日
中二十戰氣不衰遠自以才不及巡請稟軍事而居其

下巡受不辭遠專治軍糧戰具前此遠將李滔救東平
遂叛入賊大將田秀榮潛與通或以告遠曰晨出戰以
碧帽為識視之如言盡覆其衆還輒曰我誘之也請以
精騎往易錦帽遠以告巡巡召登城讓之斬首示賊因
出薄戰子琦敗獲車馬牛羊悉分士詔拜巡御史中丞
遠侍御史閤吏部郎巡欲乘勝擊陳留子琦聞復圍城
巡語其下曰吾蒙上恩賊若復來正有死耳諸君雖捐
軀而賞不直勲以此痛恨聞者感慨乃椎牛大饗悉軍

戰賊望兵少大笑巡遠親鼓之賊潰追北數十里五月
賊方刈麥巡夜濟師鳴鼓嚴隊若將出賊申警俄息鼓
賊覘城上兵休乃弛備巡使南霽雲等開門徑抵於琦
所斬將拔旂有大酋被甲引拓羯千騎麾幟乘城招巡
巡陰繼勇士數十人墮中持鉤陌刀強弩約曰聞鼓聲
而奮首恃衆不為備城上譟伏發禽之弩注矢外向救
兵不能前巡欲射子琦莫能辨因刺蒿為矢中者喜謂
巡矢盡走白子琦乃得其狀使霽雲射一發中左目賊

還七月復圍城初睢陽穀六萬斛可支一歲而巨發其
半餉濮陽濟陰至是食盡士日賦米一勺斲木皮鬻紙
而食才千餘人皆瘠劣不能穀救兵不至賊知之以雲
衝傳堞巡出鉤竿拄之使不得進篝火焚梯賊以鉤車
木馬進巡輒破碎之賊又以土囊積柴為磴道欲登城
巡潛以松明乾蒿投之積十餘日使人順風持火焚之
賊服其機不復攻穿壕立柵以守賊將李懷忠過城下
巡問君事賊幾何曰二朞巡曰君祖父官乎曰然奈何

從賊關弓與我角一日事平父母妻子並誅何忍為此
懷忠淹涕去俄率其黨數十人降巡前後說降賊將甚
多皆得其死力御史大夫賀蘭進明代巨節度屯臨淮
許叔冀尚衝次彭城皆觀望莫肯救巡使南霽雲如叔
冀請師不應遺布數千端霽雲嫚罵馬上請決死鬪叔
冀不敢應巡復遣如臨淮告急引精騎三十冒圍出賊
萬衆遮之霽雲左右射皆披靡既見進明進明曰睢陽
存亡已決兵出何益霽雲曰城或未下如已亡請以死

謝大夫進明初無出師意又愛霽雲壯士欲留之為大饗樂作霽雲泣曰霽雲來睢陽之人不食月餘矣霽雲雖欲獨食且不下咽大夫坐擁強兵觀睢陽陷沒曾無分災救患之意豈忠臣義士之所為乎今主將之命不

達霽雲置一指以示信歸報中丞也因拔佩刀斷指

舊書

請啗一指留於大夫柳宗元南府君碑自啗其指曰噉此足矣新書蓋本韓愈張中丞傳後序

一坐大

驚為出涕卒不食去抽矢回射佛寺浮圖矢著執誓曰吾破賊還必滅賀蘭至真源李賁遺馬百匹次寧陵得

城使廉坦兵三千夜冒圍入賊覺拒之且戰且行兵多
死所至纔千人方大霧巡聞戰聲曰此霽雲等聲也乃
啓門驅賊牛數百入將士相持泣賊知外援絕圍益急
衆議東奔巡遠議以睢陽江淮保障也若棄之賊乘勝
鼓而南江淮必亡且帥飢衆行必不達不如堅守 紙
既盡遂食馬馬盡羅雀掘鼠又盡巡出受妾殺以食士
遠亦殺其奴然後括城中婦人食之繼以男子老弱凡
食三萬口人知必死莫有叛者所餘纔四百人十月癸

丑賊攻城士病不能戰巡西拜曰臣生不報陛下死必為鬼以癘賊城遂陷與遠俱執子琦謂巡曰聞公督戰大呼輒皆裂血面嚼齒皆碎何至是荅曰吾欲氣吞逆賊頽力屈耳子琦怒以刀抉其口齒存者三四巡罵曰我為君父死耳附賊乃犬彘也安得久子琦以刀脅降巡不屈又降霽雲未應巡曰南八男兒死爾不可為不義屈霽雲笑曰欲將有為也公知我者敢不死亦不肯降乃與姚閻雷萬春等三十六人俱遇害初子琦議生

致一人慶緒所或曰用兵拒守者巡也乃送遠洛陽至

偃師亦以不屈死

新書此下載巨之走臨淮巡有奸嫁陸氏遮巨勸勿行不納賜百緡弗受

為巡補縫行間軍中號陸家姑先巡被害按通鑑考異云巨在彭城若走臨淮巡妹在睢陽何以得通之今據

刪巡長七尺鬚髯每怒盡張讀書不過三復終身不忘

為文章不立藁守睢陽士卒居人一見問姓其後無不

識更潮及子琦大小四百戰斬將三百卒十餘萬其用

兵未嘗依古法勒大將教戰各出其意或問之荅曰賊

人務馳突雲合鳥散變態百出故吾止使兵識將意將

識士情上下相習人自為戰爾其械甲取之於敵未嘗
自修每戰必親臨行陳有退者巡已立其所謂曰我不
去此為我決戰士感其誠皆一當百待人無所疑賞罰
信與衆共甘苦寒暑雖廝養必整衣見之下爭致死力
始肅宗詔中書侍郎張鎬代進明節度河西率浙東李
希言浙西司空襲禮淮南高遼青州鄧景山四節度持
角救睢陽巡七三日而鎬至命蕭昕誅之十日而廣平
王收東京於是張澹李紆董南史張建封樊晃朱巨川

李翰咸謂巡蔽遮江淮沮賊勢天下不亡其功也詔贈
巡霽雲揚州大都督遠荊州大都督並寵其子孫睢陽
雍邱賜徭稅三年巡子亞夫拜金吾大將軍遠子玢
州司馬皆立廟睢陽歲時致祭德宗差次至德以來將
相功效尤著者以顏杲卿袁履謙盧奕及巡遠霽雲為
上又贈姚閏潞州大都督官一子

舊書至德二年春
貞加檢校尚書侍郎

元中復官巡它子去疾遠子峴贈巡妻中國夫人賜帛
百自是託僖宗求忠臣後無不及三人者大中時圖巡

遠霽雲像於凌烟閣睢陽至今祠享號雙廟云

許遠杭州鹽官人右相敬宗曾孫寬厚長者明吏治初
客河西章仇兼瓊辟署劍南府欲妻以女固辭兼瓊怒
以事劾貶高要尉更赦還祿山反以薦拜睢陽太守賊
將尹子琦攻圍遠與張巡嬰城拒守經年外救不至兵
糧俱盡而城陷尹子琦執送洛陽囚之客省及安慶緒
敗渡河北走使嚴莊害之遠與巡同年生而長故巡呼
為兄大歷中巡子去疾上書言父巡與睢陽太守遠各

守一面城陷賊所入自遠分巡死而遠獨生請追奪官爵以刷冤恥詔下尚書省使去疾與許峴及百官議皆云屠城以生致主將為功遠本守睢陽緩巡死不足感當此時去疾尚幼事未詳知且艱難以來忠烈未有先二人者事載簡書若日星不可妄輕重議乃罷然議者紛紜不齊元和時韓愈讀李翰所為巡傳闕遠事非是為文書其後以為二人者守死成名先後異耳於是遠之事始明

南霽雲者魏州頓丘人少微賤為人操舟祿山反鉅野尉張沼起兵討賊拔以為將尚衝擊汴州賊李庭望以為先鋒遣至睢陽與張巡計事退謂人曰張公開心待人真吾所事也遂留巡所巡固勸歸不去衡齋金帛迎霽雲謝不受乃事巡巡厚加禮始被圍築臺募萬死一生者數日無敢應俄有喑鳴而來者乃霽雲也巡對泣下霽雲善騎射見賊百步內乃發無不應弦斃子承嗣歷涪州刺史劉闢叛以無備誦永州

雷萬春者事巡為偏將令孤潮圍雍邱萬春立城上與
潮語伏弩發六矢著面萬春不動潮疑刻木人謀得其
實乃大驚遂謂巡曰向見雷將軍知君之令嚴矣潮壁
雍邱北謀襲襄邑寧陵巡使萬春引騎四百壓潮先為
賊所危巡哭其圍大破賊潮遁去萬春將兵方畧不及
霽雲而強毅用命每戰巡任之與霽雲鈞

姚閏者宰相崇從孫父弇楚州刺史

舊書作處
州刺史

閏性豪

蕩好飲謔善絲竹歷壽安尉素善巡及為城父令遂同

守睢陽累加東平太守巡之遣霽雲萬春敗賊於寧陵也別將二十有五石承平李辭陸元鍾朱珪朱若虛楊振威耿慶禮馬日昇張惟清廉坦張重孫景趙趙連城王森喬紹俊張恭默祝忠李嘉隱翟良輔孫廷皎馮頴其後皆死巡難四人逸其姓名

程千里京兆萬年人長七尺魁岸有力應募磧西累以戎勲官安西副都護兼北廷都護二鎮節度使突厥首領阿布思內附賜名李獻忠屬幽州與安祿山有怨叛

還積外數盜邊詔千里將兵討捕千里諭葛邏祿陰令
犄角獻忠果以窮歸葛邏祿縛之并妻子帳下數千人

新書祿山傳以此為祿山事
或當時與祿山並將故也

件獻勤政樓斬之擢千里

右金吾衛大將軍留宿衛祿山反詔募兵河東即拜節
度副使雲中太守遷上黨長史賊來攻塞誠多累加開
府儀同三司禮部尚書至德二載賊將蔡希德圍上黨
輕騎挑戰千里恃勇開縣門率百騎欲直禽希德幾得
而救至乃退會橋壞馬顛為賊執仰首救諸騎使還曰

為我報諸將可失帥不可失城軍中皆為泣下增備固守賊不能下乃還囚千里至東都安慶緒偽署特進囚客省慶緒敗為嚴莊所害時西北戍兵悉入援故河隴郡縣皆陷吐蕃惟河西戍將袁光廷為伊州刺史固守歷年雖游說百緒終不降諸下同心無攜畔者及糧竭手殺妻子自焚死建中初贈工部尚書

龐堅京兆涇陽人四世祖玉事隋為監門直閤降高祖歷官監門大將軍堅歷潁川太守安祿山反南陽節度

使魯吳表為長史兼防禦副使以薛愿為潁川太守共
守潁川時陳留滎陽已陷賊南陽被圍而潁川當往來
劇賊將阿史那承慶悉銳攻之傅城百里樹木皆刊城
中士單寡糧少而愿堅晝夜戰諸郡兵無援者自至德
元年正月盡十一月賊設木鸞衝車飛梯薄城矢如雨
士皆雷誅夜半踰城入二人不肯降賊縛至東京將磔
解之或言二人義士彼為其主殺之不祥乃縛於洛濱
樹上厲苦寒凍死見者哭之

新書云比旦死按上文言十一月則舊書苦寒凍死

之言為可信通鑑亦云凍殺今據改

愿汾陰人父緇太常卿兄崇一娶惠

宣太子女其女弟為太子瑛妃瑛廢貶愿嶺外久乃得

還

張興束鹿人長七尺一飯至斗粟肉十斤悍超而辯為

饒陽裨將祿山攻饒陽興嬰城彌年史思明引衆傳城

興擐甲持陌刀重五十斤乘城賊將入興一舉刀輒數

人死賊皆氣攝然城已破為所執思明好言勸降興曰

我大郡將安能委身於汝思明語以何不上觀天道今

兵趨洛陽天下大定以偏師叩函谷守將面縛唐亡固
矣興曰桀紂秦隋四海為怨故商周漢唐因得代之皇
無違德祿山非數帝賢是苟延歲月終即為禽耳思明
怒鋸解之且死罵不絕口

崔倫字叙深州安平人父死遠方護柩歸跣足行千里
道路為流涕服除第進士歷吏部員外郎安祿山反陷
於賊不汙偽官使子弟間表賊事賊平下遷晉州長史
李齊物訟其忠授長安令封武邑縣男寶應二年以右

庶子使吐蕃被留再歲執至涇州逼為書約城中降倫
不從更囚邏娑城閱六歲終不屈乃許還代宗見之感
動具陳吐蕃情偽山川險易指畫甚詳遷尚書左丞以

疾改太子賓客卒贈工部尚書謚曰敬

按崔倫前後陷賊留蕃具見節

樂新書載於其子崔衍傳首今改列忠義

蔡廷玉幽州昌平人朱泚同里少相狎近奏署幽州幕
府廷玉有沈畧善與人交內外愛附與朱體微皆泚腹
心多所叩咨時幽州財雄士悍日思吞并不知有上下

禮法廷玉問語泚曰古未有不臣而能推福及子孫者
公南聯趙魏北通沙漠兵多地險然非永安計一日趙
魏反噬公乃涕鬲魚耳不如奉天子割多難可勒勲鬲
羹泚善之廷玉陰欲耗其力則諷泚出金幣禮士勸歸
貢賦助天子經費獻牛馬繫道儲廩為單又勸入朝諸
校怒縛廷玉辱之囚歲餘謂曰而亦悔乎廷玉曰導公
為逆即悔勉公以義何悔為復繫滿歲問曰能省過否
不爾且死對曰不殺我公得名殺我我得名泚不能屈

待如初廷玉有建白體微輒左右之故泚愈信桀傲稍
草遣廷玉入京奏涿州為永泰軍薊州靜塞軍瀛州清
夷軍莫州唐興軍置團練使以支郡隸屬盧龍軍稍削
泚將入朝以軍屬弟滔廷玉體微共白泚後務至重須
誠信者乃可付滔雖大弟多變不情如假以兵是嫁之
禍也泚不聽二人隨泚到朝德宗為太子時知廷玉名
及見禮眷殊渥泚統幽州行營為涇原鳳翔節度使詔
廷玉以大理少卿為司馬體微為要籍滔已破田悅寢

傲肆自用左右誣廷玉素毀滔欲四分燕滔表言二人
離間骨肉請殺之會滔叛貶廷玉柳州司戶叅軍體微
南浦尉以慰滔將行帝勞廷玉曰爾姑行為國受屈歲
中當還廷玉至藍田驛人白左巡使鄭詹商於道險不
可往詹追使趨潼關滔謀知廷玉東出曰吾且縛致麾下
支解之廷玉告子少誠少良曰我為天子不血刃下
幽十一城欲裂其壞使不得桀而敗於將成天助逆耶
今吏使我出東都此殆滔計吾不可以辱國比至靈寶

自投於河帝憫廷玉忠歸其柩厚賻之李晟平朱泚表乞追贈廷玉并官二子而帝方招來淄寢其奏遂已

符令竒沂州臨沂人初為盧龍軍裨將會幽州亂挈子璘奔昭義節度使薛嵩署為軍副嵩卒田承嗣盜其地引令竒為右職田悅拒命馬燧敗之洹水令竒密語璘曰自安史干紀無噍類吾觀田氏覆亡無時汝能委質朝廷為唐忠臣吾亦名揚後世矣璘泣曰悅忍人也近禍可畏荅曰汝行吾死不朽不行吾亦死尸疊逆地云

何璘俯泣不能對會悅使璘以三百騎護送李納兵歸
齊璘與父嚙臂別乃以衆降燧璘之出與三子同降悅
怒引令竒切讓令竒罵曰爾忘義背主旦夕死吾教子
以順殺身庸何悔悅怒殺之夷其家燧署璘為軍副詔
拜特進封義陽郡王既聞父見害號絕泣血燧表其寃
加檢校左散騎常侍贈令竒戶部尚書璘字元亮李懷
光反詔燧討之璘介五千兵先濟河與西師合從燧入
朝為輔國大將軍璘之降母匿里中獨免及悅死詔迎

於魏賜宴別殿璘居環衛十三年卒

劉迺字永夷河南伊闕人少警穎闇誦六經日數千言
善文詞為時推目天寶中擢進士第喪父以孝聞服終
中書舍人宋昱知詮事迺方調因進書言當先政事次
文學退觀其治家進察其臨節則厯鴻深沉之事亦可
窺其門閥矣今但察言於一幅之判觀行於一揖之內
不足盡知人官人之責昱嘉之補剡尉大厯中召拜司
門員外郎德宗初草郭子儀為尚父冊詞義典裁擢給

事中權知兵部侍郎楊炎盧杞當國五歲不遷建中四年真拜兵部侍郎帝狩奉天迺臥疾私第朱泚遣人召之固稱篤復遣偽相蔣鎮慰誘迺佯瘖不荅炙無完膚鎮再至知不可脅遂止迺聞車駕如梁州自投於牀搏膺呼天不食卒贈禮部尚書謚曰貞惠子伯芻別傳

孟華史失其何所人初事李寶臣為府官屬王武俊斬李惟岳遣華至京師陳事德宗問河朔利害華對稱旨擢檢校兵部郎中兼侍御史

舊書以為恒
其圖棟副使

朱滔與武俊

謀解田悅之圍帝詔華還諭欲亂其謀華至讓武俊曰
上於大夫恩甚厚將還康中丞他州而歸我深趙大夫
何苦遽自同於逆亂武俊卒進援悅華從至臨清稱病
還恒州閩門謝賓客武俊僭稱王授禮部侍郎不肯起
嘔血死

張佐本為澤潞將守臨洺田悅攻之乘城固守累月士
死糧且盡救不至佐悉召部將立軍門命女出徧拜因
曰諸君戰良苦吾無貲為賞願以是女賣直為衆士一

日費士皆哭曰請死戰會馬燧自河東將兵擊悅城下

敗之

按新書曰悅馬侍燧李光與昭義軍殺任次狗明二山間未進任急以紙為風驚高百餘丈過悅營

上射之不能及燧營諒迎之得書云三日不解臨
汝士且為悅食燧乃自壺闌鼓而東悅遁保洹水 伍乘

勝出戰無不一當百以功遷泗州刺史居州十年擢右

金吾衛大將軍未拜卒贈尚書右僕射軍中議立其子

重政母徐及兄號訴不肯從奔告淮南節度使王鐔乃

免詔嘉其忠起為金吾衛大將軍委鐔處以劇職封徐

魯國夫人

周曾李希烈部將與王玠姚憺韋清相善號四公子希烈反曾密得其計首謀歸順以告李勉會哥舒曜拔汝州希烈遣曾往拒曾欲引軍據蔡使玠為應憺清居中謀取希烈密求藥毒希烈不死事泄希烈使李克誠率驍軍千人劫曾殺之而收其兵并殺玠憺始約事覺毋相引清懼陽說希烈兵寡請乞師朱滔至襄邑奔劉洽德宗贈曾太尉玠司徒憺工部尚書擢清安定郡王同時死難呂貴康秀琳梁興朝賈樂卿侯仙欽贈賁秀琳

尚書左右僕射興朝等皆秩尚書遣蕭昕致祭境上命
李勉哥舒曜訪其家子孫雖三世有罪常降一等曾無
後貞元中以兄子鄴襲與其女各分封五十戶奉其祀
張名振事李懷光為左都將始德宗錫鐵券懷光奉詔
倨甚名振到軍門大言曰太尉見賊不擊使到不迎將
反耶懷光召見諭以賊彊須蓄銳俟時及引軍入咸陽
又曰公不反來此何耶不急攻泚收京城欲以賊誰遺
懷光怒曰病狂人也使左右拉殺之又有石演芬者西

域人亦事懷光至右武鋒都將尤親信畜為假子懷光
軍三橋將與朱泚連和演芬使客部成義到行在言懷
光無破賊意請罷其總統成義走告懷光子璿懷光召
演芬罵曰爾為我子奈何欲破吾家今日負我宜即死
對曰天子以公為股肱公以我為腹心公乃負天子我
何不負公我無異心惟知事一人苟免賊名而死死固
吾分懷光使士鬻食之皆曰烈士也可令快死以刀斷
其頸德宗聞贈演芬兵部尚書賜其家錢三百萬

舊書
作三

百
千 斬成義於朔方

吳淑章敬皇后弟為盛王府叅軍代宗立擢太子詹事
濮陽郡公開府儀同三司遷鴻臚少卿金吾將軍建中
初遷大將軍淑循循有禮讓無佞氣矜色時以為材當
所位不自戚屬者朱泚反盧杞白志貞皆謂泚有功不
宜首難得大臣一人持節慰曉惡且悛德宗顧左右無
敢行淑請往帝大悅淑退謂人曰吾知死無益而決見
賊者人臣食祿死其難所也即日齋詔見泚具道帝待

以不疑者而泚業潛逆故留淑客省不遣卒被害贈太子太保謚曰忠子士矩別傳

高沐渤海人父馮事宣武李靈耀假守曹州靈耀友馮

密遣人奏賊纖悉詔拜曹州刺史會李正己盜有曹濮

馮不能自通朝廷遂卒沐貞元中擢進士第以家託鄆

李師古辟署判官師道叛沐率其僚郭昉按新書郭昉下有郭航通

鑑考異云郭航乃牙將昉所使請李愿者非幕僚同謀者也今據剛李公度引古今戒敗

前後說師道而李文會林英等乘間讒訴由是疏斥沐

令守濮州

舊書通鑑
俱作萊州

沐上書盛夸山東煮海之饒得其

地可以富國師道謀皆露後英奏事京師脅邸吏言沐

以誠款結天子師道怒誅沐而囚昉濮州

舊書作萊州
按下文昉書

請搏登萊及居皆罪人
云云疑作萊州為是

凡十年吳元濟拒命師道引兵

攻彭城敗蕭沛數縣而還以助元濟昉為繕書藏衣絮

間使郭航間道走武寧軍見李愿請奇兵三千浮海擣

萊淄賊倚海不為備且居皆罪人無與守始昉畏事泄

署師道所信吏劉諒名以遺愿白諸朝議者疑師道使

為之不得報航不敢循故道間關回遠還昝所未幾師
道召航昝疑事露欲引決航曰事覺吾獨死航卒自殺
遂絕及朝廷討師道諸節度兵四入而彭城兵下魚臺
金鄉李聰軍取海州頗用昝策初淮西平師道勢蹙內
甚懼李公度與其將李英雲教獻三州使長子入侍師
道然可俄中悔欲殺英雲賈直言諷師道嬖奴曰高沐
怨氣在天禍且至英曇復死是益其祟也乃止逐於萊
州俄殺之又有崔承寵楊偕陳佑崔清皆抗節忤賊李

文會指為沐黨沐之死皆被囚劉悟既平師道捉昉臂
敬獻辟置義成節度府亦請公度為僚屬元和十四年
贈沐吏部尚書航萊州人以氣聞師道署右職與昉世
居齊初昉舉進士權得與將取之聞其家賊中乃罷遂
為賊聘二人卒能忠顯

賈直言河朔舊族父道冲以藝待詔代宗時坐事賜鴆
將死直言取鴆代飲迷而踣明日毒潰足而出復蘇帝
憐之減父死俱流嶺南直言由是蹙後署師道府屬及

師道不軌提刀負棺入諫又畫縛載檻車狀而妻子係
纍者以獻師道怒囚之劉悟既入釋其禁辟署義成府
後徙潞亦隨府遷監軍劉承偕與悟不平陰與磁州刺

史張汶謀縛悟送關下

張汶新書劉悟傳作張問按杜牧上李司徒書云其軍大亂殺

磁州刺史張汶與直言傳同

以汶代節度事洩悟以兵圍承偕殺小

使直言遽入責曰司空縱兵脅天子使者是欲效李司

空耶悟聞感悔赦免承偕囚之府舍悟每有過必爭故

悟能以臣節顯於朝穆宗召為諫議大夫悟固留得聽

悟死從諫不發喪召大將劉武德等矯悟遺言與鄰道
使共表求襲位直言入讓曰父死不哭何顏面見山東
義士乎從諫曰欲反耳直言仰天哭曰爾父提十二州
歸朝廷為功臣然以張汝故自謂不潔淋頭卒羞死即
今日乃欲反耶從諫哭曰計窮而然直言曰君何憂無
土地今脅朝廷正速死耳若從武德謀吾見劉氏為元
濟矣從諫拜曰唯大夫救之直言乃自攝留後使從諫
居喪軍中遂安卒贈工部尚書

辛讜太原尹雲京孫癘短才及中人少耕於野力能止
 牛鬪鄉人駭異屠牛飯之及長學詩書能擊劍重然諾
 走人所急初事李暉主錢穀性廉勁遇事不拘文法皆
 與之合罷居揚州年五十不肯任而慨然常有濟時意
 龐勛反攻杜惛於泗州讜聞之拏舟趨泗口貫賊柵以
 入惛素聞其名握手相慶按通鑑載讜與杜惛有舊聞
 亂詣泗州新書作惛素聞其
名似前此未曾識 讜亦謂惛可共事乃還與妻子決同
諸而者與通鑑異 惛生死時賊張甚衆皆南走獨讜北行賊將李圓焚淮

口讜與楊文播李行實戌夜踰淮坎岸登馳三十里至

洪澤

洪澤舊書作洪源驛胡三省通鑑注云九域志楚州淮陰有洪澤鎮

見戌將郭厚本

告急厚本許出兵大將袁公异

舊書作公异

等曰賊衆我寡

不可往讜拔劍瞋目呼曰泗州陷在旦夕公等被詔來

乃逗留不進欲何為大丈夫孤國恩雖生可羞且失泗

則淮南為寇場君尚能獨存耶即拔劍向公异厚本持

之讜望泗慟哭厚本決許付兵五百

舊書作選勇士三百

讜曰足

矣徧問士曰能行乎皆曰諾讜仆面於地泣以謝衆既

叩淮夜半斬柵由水門入惛亦出兵表裡夾擊賊大敗
人心遂固浙西杜審權遣將翟行約赴援壁蓮塘惛欲
遣人延勞諸吏憚不敢出讜獨往犒而還圓三月救兵
外敗城益危讜復請乞兵淮南與壯士徐珍十人持斧
夜斬賊柵出見節度使令狐絢復詣浙西見審權許救
合淮南兵五千鹽粟具方淮路梗不得進讜引兵決戰
斬賊六百級乃克入城上讜叫惛與下迎泣表其功於
朝授監察御史圓凡十月乃解

按通鑑舊書俱作七月
新書杜惛傳與此同

卒完一州

通鑑諫以浙西軍至楚州救使張存誠以舟助之賊水陸布兵銷斷淮流諫覓敵死士救

十人先以四舟乘風直進斧斷其鎖乃得過惴與下泣迎之已酉城上望見舟張帆自東來其旗浙西軍也諫復率死士出迎之衝賊火船而過復帥衆與存誠來舟九艘揚旗鼓噪而前遂得入城復引驍勇四百人迎糧於揚潤至廣陵舟載鹽米二萬石錢萬三千緡還至斗門賊衆萬餘拒之於盱眙密布戰艦以塞淮流又縱火大船逆之諫命以長叉托過自勿戰至未官軍不利諫命以士乘小舟至賊戰艦旁戰棚下以槍揚火牛焚之賊潰走官軍乃得入城諫犯圍往返凡十二及除亳州上表言臣之功非杜惴不能成也按辛諫冒圍出入求救卒完一州其功大矣新書本初諫之求救也過家十餘未嘗見妻子得糧累二十萬以子及兄子客廣陵託

惛視之以存先祀後以功第一拜亳州刺史徙曹泗二

州乾符末終嶺南節度使

按舊書作惛遷鄭滑節度謀從為僚佐惛卒乃退歸江東

以隱居為事又謂謹無子猶子山僧元老等在廣陵與此俱不合

黃碣閩人也初為閩

小將喜學問後戰安南有功高駢表其能為漳州刺史

徙婺州治有績劉漢宏遣兵攻之兵寡不可守棄州去

客蘇州董昌為威勝軍節度使表碣自副又乃應及昌

反碣諫曰大王拔田舍位將相不能盡忠王朝乃自尊

大一日誅滅無種矣碣請舉族先死不能見王之滅昌

怒斥出之碣移書幕府李滔曰順天建元以愚策之針
可為稍耶或竊其書示昌昌令使者斬之投其首於涸
中夷其家百口坎鏡湖之南同瘞焉昌敗有詔贈司徒
求其後不能得昌已殺碣滔亦遇害乃召會稽令吳鐔
問策鐔曰王不為真諸侯遺榮子孫乃作偽天子自取
滅亡耶昌叱斬之族其家又召山陰令張邈知御史臺
固辭曰王自棄為天下笑且六州勢不助逆王據孤州
以速死謂何囚之他日謂人曰我無碣鐔遜何乏事即

害之

孫揆字聖圭遼五世從孫第進士辟戶部巡官歷中書舍人刑部侍郎京兆尹昭宗討李克用以揆為兵馬招討制置宣慰副使既而更授昭義軍節度使以本道兵會戰克用伏兵刀黃嶺執揆厚禮而將用之曰公輩當從容廟堂何為自履行陣也揆大罵不屈克用怒使以鋸解之鋸齒不行揆謂曰死狗奴解人當束之以板汝輩安知行刑者如其所言詈聲不輟至死昭宗憐之贈

左僕射



欽定續通志卷五百九